


考工典

考工典第二百一卷

鼎部彙考三


博古圖

周百乳方鼎圖一






周百乳方鼎圖二



周百乳方鼎圖考

前一器高二尺二寸耳高五寸八分闊六寸深一尺二寸六分口徑長一尺七寸闊一尺二寸容一石九斗一升里八十六斤七兩四足無銘 後一器高二尺一寸六分耳高六寸一分闊七寸深一尺一寸七分口徑長一尺六寸三分闊一尺三寸六分容一石七斗重一百斤四足無銘 右二器方之諸鼎特爲高大所同者周以乳形純緣之下環以饗養所不同者前一器乃夔足而肩作蛇虺蟠屈之狀後一器足亦作夔形而鼻稜四翼屹起然款足與體俱徹恐致水火之齊欲其易熟耳但形制質朴爲眾鼎之雄寔可寶於後世者

周 龍 鼎 圖





周龍鼎圖考

右高七寸一分耳高一寸七分闊一寸五分深四寸四分口徑六寸三分腹徑六寸八分容五升三合重五斤三足無銘是器著象若龍傳曰龍以不制爲龍以其升降自如能小能大或潛或躍善於變化而有利澤以及於物也鼎之烹飪可以享上帝可以養聖賢其爲用大矣所以特取象於龍蓋以求配其類也

周蟠虺鼎圖一



周 蟠 虺 鼎 圖 二





周蟠虺鼎圖考

前一器通蓋高一尺二寸三分耳高三寸二分闊二寸二分深七寸三分口徑九寸八分腹徑一尺二分容二斗共重一十九斤十有二兩三足無銘 後一器高五寸耳高一寸五分闊一寸六分深三寸二分口徑七寸六分腹徑六寸七分容四升重三斤七兩三足無銘

右前一器通蓋以蟠虺爲之飾三足皆獸狀腹周以綯紐蓋頂設大拱乘環後一器底平與他鼎稍異三足素而無紋惟純緣飾蟠虺之形二器皆以蟠虺爲之飾亦以示其不可妄動之意

周 蟠 虺 鼎 圖




周蟠虺鼎圖考


右高六寸五分耳高一寸五分闊一寸八分深三寸二分口徑八寸一分腹徑八寸二分容四升七合重七斤有半三足無銘形制簡古耳足純素周腹作蟠虺狀以虺爲飾蓋取其備物者鼎所以爲象也此虺之紋有自作焉



周 蟠 螭 鼎 圖 一



周 蟠 螭 鼎 圖 二



周蟠螭鼎圖考

前一器高一尺二寸七分耳高三寸七分闊三寸六分深七寸口徑一尺五寸七分腹徑一尺五寸容四斗四升重二十四斤八兩三足無銘 後一器高一尺二寸九分耳高四寸闊三寸六分深七寸二分口徑一尺五寸腹徑一尺五寸四分容四斗一升重二十六斤三足無銘

右二器腹間飾以蟠螭狀隱起觚稜兩耳皆偃而纏素之足各設獸首製作悉同尤爲珍異



周 蛟 螭 鼎 圖 一



周 蛟 螭 鼎 圖 二



周 虢 螭 鼎 圖 三

